



水經注釋地

三十三之五

			九	漢
		一〇	一〇	書
一	四	四	五	門
六	四	函	號	類
册	架			

庫文閣内			
五	九		漢
函	一〇		書
二	一六	五	
架	册	號	類

共十六

内閣文庫	
番號	漢 9105
册數	16 (11)
函號	291 89

十一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



水經卷三十二

漢草文庫

漢桑欽撰 後魏酈道元注 新安張匡學三悅氏釋



涿水	澗水	淝水	淝水
澗水	淝水	淝水	淝水
澗水	淝水	淝水	淝水
澗水	淝水	淝水	淝水

涿水出江夏平春縣西

涿水北出大義山南至厲鄉西賜水入焉水源東出

大紫山分為二水一水西逕厲鄉南水南有重山即

烈山也山下有一穴父老相傳云是神農所生處也

故禮謂之烈山氏水北有九井子書所謂神農既誕

大義山在德安府隨州東北五十里
厲鄉在隨州城北一百八十里
烈山禮記作厲炎帝起於厲山在厲鄉

江夏郡蘄春縣
今湖北黃州府
蘄州又蘄水縣
諸縣地
涿水縣今蘄水
縣地

九井自穿謂斯水也盛宏之荊州記云神農九井在
廬山北重壑周之廣一頃二十
畝內有地又言汲一井則眾水動井今壇壝遺迹髣
髴存焉亦云鄉故賴國也有神農社賜水西南流入
於澠即厲水也賜厲聲相近宜為厲水矣一水出義
鄉西南入隋又注澠澠水又南逕隋縣注安陸也

南過安陸入於澠
蘄水出江夏蘄春縣北山

山即近柳也近宋本
作蘄水首受希水枝津西南流歷蘄
山出蠻中故以此蠻為五水蠻人即謂巴水也又赤
亭水西歸水蠻左馮居岨藉山川世為抄暴宋世沈
慶之於西陽上下誅伐蠻夸即五水蠻也

蘄陽縣今蘄州
地

南過其縣西

晉改為蘄陽縣縣從江州置大陽戍後齊安郡移治
於此也

又南至蘄口南入於江

蘄水南對蘄陽州入於大江謂蘄口洲上有蘄陽縣
徙

浚水出廬江零婁縣南大別山

俗名之為檀山峴蓋大別之異名也其水歷山委注
而絡其縣也

北過其縣東

縣故吳也春秋左傳襄公二十六年楚子秦人侵吳

零婁縣故城在
安徽潁州府霍
邱縣大別山在
縣西南接河南
同始縣界

安豐縣今安徽
潁州府霍邱縣
也其故城在鳳
陽府屬壽州南
六十里今為安
豐鄉雞備亭在
鄉之西南
壽縣故城在壽
州南安豐鄉

又北過安豐縣東

及雩婁聞吳有備而還是也晉書地道記云在安豐
縣之西南即其界也故地理志曰淩水出雩當有
婁字

淩水自雩婁縣北逕雞備亭春秋昭公二十三年吳

敗諸侯之師於雞父者也安豐縣故城今邊城郡治

也王莽之美風也世祖建武八年封大將軍涼州牧

竇融為侯國晉立安豐郡淩水自縣西北流逕蓼縣

故城東又逕其北漢高帝六年封孔藂為侯國也孔

漢書功臣表作孔聚世謂之淩水也水又西北灌水注之其水

導源廬江金蘭縣西北東陵鄉大蘇山即注水也當

灌許慎曰出雩婁縣俗謂之澮水也楮先生所謂神

古舒今安徽廬
州府舒城縣地

龜出於江灌之間嘉林之中蓋謂此水也今龜英傳

於江淮之間此注作江灌蓋所見之本各異耳灌水東北逕蓼縣故城西而

北注淩水也故地理志曰淩水北注蓼入灌灌水於

蓼亦入淩按漢地理志云淩水北至蓼入淮又有灌水亦北至蓼入淩春秋宣公

八年冬楚公子滅舒蓼臧文仲聞之曰臯陶庭堅不

祀忽諸德之不逮民之無援哀哉按左傳文公五年

臧文仲聞之有臯陶庭堅不祀之歎至淩水又北右

會陽泉水水受淩水東北流逕陽泉縣故城東故陽

泉鄉也漢靈帝中封太尉黃琬為侯國又西北流左

入淩水謂之陽泉石當作也

又北入於淮

濳縣故城在廬
州府廬江縣南
二里
霍山在安徽直
隸州六安州屬
霍山縣西北五
里

六縣今六安州
地

六安縣故址在
六安州治地
皋陶冢在六安
州城東一十里

俗謂之淩口非也斯淩灌之口矣余往因公至於淮
津舟車所居次於淩水訪其民宰與古名全違脈水
尋經方知淩水宋本作口蓋灌滄聲相倫習俗害真耳
泚水出廬江濳縣西南霍山東北

濳者山水名也開山圖濳山圍繞大山為霍山爾雅大山

宮小山曰霍郭注云宮謂圍繞之郭景純曰濳水出焉縣即其稱矣

春秋昭公二十七年吳因楚喪圍濳是也地理志曰

泚水出泚山不言霍山泚字或作淠水按漢志泚山泚水所出北

至壽春入芍陂師古曰泚音比又音布几反又東北逕博安縣泄水出焉

東北過六縣東

淠水東北右會踰鼓川水水出東南踰川西北流左

注淠水淠水又西北逕馬亭城西亭宋本作亭又西北逕

六安縣故城西縣故咎陶國也夏禹封其少子奉其

祀今縣都陂中有大冢民傳曰公琴者即皋陶冢也

楚人謂冢為琴矣漢高帝元年別為衡山國五年屬

淮南文帝十六年復為衡山國武帝元狩二年別為

六安國王莽之安風也漢書所謂以舒屠六晉太康

三年廬江郡治淠水又西北分為二水出焉又北逕

五門亭西西北流逕安豐縣故城西晉書地道記安

豐郡之屬縣也俗名之曰安城矣又北會濡水亂流

西北注之

北入於淮

水之淩會謂之泚口也

泄水出博安縣

博安縣地理志之博鄉縣也王莽以為揚陸矣泄水自縣上承北水於麻步川西北歷山濡谿謂之濡水也

北過芍陂西與泚水合

泄水自濡谿水宋本作口安豐縣北流注於淠一謂之其

濡口

西北入於淮

亂流同國也國宋本作歸

肥水出九江成德縣廣陽鄉西

獨山在廬州府城西二十里

合肥縣今廬州府首縣附郭

平阿縣今鳳陽府懷遠縣地

呂忱字林曰肥水出良餘山俗謂之連柳山亦或以為獨山也北流分為二水施水出焉肥水又北逕獲城東又北逕荻江東又宋本作右會施水枝津首受施水於合肥縣城東西流逕成德縣注於肥水也

肥水別北過其縣西北入芍陂

肥水自荻邱北逕成德縣故城西王莽愛之曰平阿也又北逕芍陂東又北逕死馬塘東芍陂瀆上承井門與芍陂更相通注故經言入芍陂矣肥水東北又合閻潤水宋本作肥水又北右合閻潤水上承施水於合肥縣北流逕復道縣西水積為陽湖陽湖水自塘西北逕死雩亭南夾橫塘西注宋太始初豫州司馬劉順率眾入

壽春縣今鳳陽府壽州地

安豐故縣在壽州南芍陂今安豐塘秋冬蓄水春夏灌田其利甚溥陂側楚令尹孫叔敖祠居民修葺今甚完好

千據其城地以拒劉劭杜叔寶以精兵五千送糧死
雩劉劭破之此塘水分為澗二洛澗出焉閻漿水注
之水受芍陂陂水上承澗水於五門亭南別為斷神
水又東北流逕五門亭東亭為衆宋本水之會也斷
神水又東北逕神迹亭東又北謂之豪水雖廣異名
事實一水又東北逕白芍亭東積而為湖謂之芍陂
陂周一百二十許里在壽春縣南八十里言楚相孫
叔敖所造魏太尉王陵與吳將張休文戰於芍陂即
此處也陂有五門吐納川流西北為香門陂水北逕
孫叔敖祠下謂之芍陂瀆又北分為二水一水東注
黎漿黎漿水東逕黎漿亭南文欽之叛吳軍北入諸

葛緒拒之於黎漿即此水也東注肥水謂之黎漿水

口

又北過壽春縣東

肥水自黎漿北逕壽春縣故城東為長瀨津津側有
謝堂北亭迎送所薄水陸舟車是焉萃止又西北左
合東谿谿水引瀆北山西南流逕導公寺西寺側因
谿建刹五層屋宇閒敞崇虛攜覺也攜覺字誤當作嚙曉又西
南流注於肥肥水又西逕東臺下臺即壽春外郭東
北隅阿之榭也東側有一湖三春九夏紅荷覆水引
瀆城隍水積成潭謂之東臺湖亦肥南播也肥水西
逕壽春縣城北右合北谿水導北山泉源下注漱石

壽春縣故城在壽州城西四十里內有古楚王祭淮壇

顏隍水上長林插天高柯負日出於山林精舍右山
淵寺左道俗嬉遊多萃其下內外引汲泉同七淨谿
水泐注西南逕陸道士解南精廬臨側川谿大不為
廣小足閒居亦勝境也谿水流注於肥水
北入於淮

肥水又西分為二水右即肥之故瀆遏為船官湖以

置舟艦也肥水左瀆又西石橋門北亦曰草市門外

有石梁渡此洲宋本作洲上有西昌寺寺三面阻水

佛堂設三象真容妙相相服精偉舊本作偉是蕭武帝所

立也寺西即船官坊倉光都水史記齊世家云蒼兕

論衡作蒼光云是營是作湖北對八公山山無樹木

八公山在壽州
城北五里山麓
有泉名真珠泉
泉底終日水出
如珠上泛味清
烈下有淮南王
丹室有方池水
味清腴世傳淮
南王鍊丹處

唯重阜耳宋本作童阜山上有淮南王劉安廟劉安是漢

高帝之孫厲王長子也折節下士篤好儒學養方術

之徒數十人皆為俊異焉多神仙祕法鴻寶之道忽

聞八公皆鬚眉皓素詣門希見門者曰吾王好長生

今先生無住衰之術未敢相聞八公咸變成童王甚

敬之八士竝能鍊金化丹出入無間乃與安登山埋

金於地白日升天餘藥在器雞犬舐之者俱得上升

其所升之處踐石皆陷人馬跡存焉故山即以八公

為目余登其上人馬之跡無聞矣唯廟象存焉廟中

圖安及八士象皆坐牀帳如平生被服纖麗咸羽扇

帟帔巾壺枕物一如常居廟前有碑齊永明十年所

建也山有隱室石井即崔所謂余下壽春登北嶺淮南之道室八公石井在焉亦云左吳與王春傅生等尋安同詣元洲還為著記號曰八公記都不列其雞犬升空之事矣按漢書安反伏誅葛洪明其得道事備抱朴子及神仙傳肥水又左納葛陂瀆瀆水自黎漿分水引瀆壽春北逕芍陂門右北入城昔鉅鹿時苗為縣長是其留犢處也魏畧云時苗為壽春令牛生犢及去任留犢與主簿曰是淮土所生也瀆東有東都街街之左道北有宋司空劉劭廟宋元徽二年建於東鄉孝義里廟前有碑時年碑功方創齊永明元年方立沈約宋書言太始元年豫州刺史殷叛明帝假馮輔國將軍

討之降不犯秋毫百姓來蘇生為立碑文過其實建元四年故吏顏幼明為其廟銘故佐一作龐堤為廟讚夏侯敬友為廟頌竝附刊於碑側瀆水又北逕相國城東劉武帝伐長安所築也堂宇廳館仍故以相國為名又北出城注肥水又西逕金城北又西左合羊頭谿水水受芍陂西北歷羊頭谿謂之羊頭谿水北歷馱湖左會烽水瀆瀆受淮於烽村南下注羊頭谿側逕壽春城西又北歷象門自沙門北出金城西門逍遙樓下北注肥瀆肥水北注舊瀆之橫塘為元康南路馳道左通船官坊也肥水逕元康城西北流水北出際有曲水堂亦嬉遊所集也又西北流昔

城父縣故城在
潁州府屬亳州
東南七十里

在晉世謝元北禦苻堅祈疑作八公山及置陣於肥
水之濱堅望山上草木咸為人狀此即故戰敗處非
八公之靈有助蓋苻氏將亡之惑也肥水又西北注
於淮是曰肥治也宋本作肥口

施水又從廣陽鄉東南入於湖

施水受肥於廣陽鄉東南流逕合肥縣應劭曰夏水

出城父東南至此與肥合按漢志夏水出父城東南至此與淮合故曰

合肥關駟亦言出沛國城父東至此合為肥余按川

流派別無沁注之理方知應闕二說非實證也蓋夏

水暴長施合於肥故曰合肥也非謂夏水自城父東

逕合肥縣城南居四水中東又有逍遙津水上舊有

巢湖在廬州府
巢縣西

房陵縣今鄖陽
府房縣地景山
在縣西南二百
里
臨沮縣今直隸
州荆門州又州
屬遠安縣又襄
陽府南漳縣俱
其地

梁孫權之攻合肥也張遼敗之於津北橋不撤者兩
版權與甘寧蹴馬趨津谷利自後著鞭助勢遂得渡
梁凌統被鎧落水後到追亡流涕津渚施水又東分
為二水枝水北出焉下注陽淵施水又東逕湖口成
東注巢湖謂之施口也

沮水出漢中房陵縣淮水東南過臨沮縣界

沮水出東汶陽郡沮陽縣西北景山即荆山首也高

峰霞舉峻竦層雲山海經云金玉是出亦沮水之所

導故淮南子曰沮出荆山高誘云荆山在左馮翊懷

德縣蓋以洛水有漆沮之名故也斯謬證耳杜預云

水出新城郡之西南發阿山蓋山異名也沮水東南

高安縣今荆門
州遠安縣地

錫縣今鄖陽府
首縣鄖縣地

青山在安陸府
天門縣西北六
十里

流逕沮陽縣東南縣有漳水東逕其縣南下入沮水
水又東南逕汝陽郡北即高安縣界郡治錫城縣居
郡下城故新城之下邑義熙初分新城立西表悉重
山也沮水南逕臨沮縣西青谿水注之水出縣西青
山山之東有濫泉即青谿之源也口徑數丈其深不
測其泉甚靈潔至於炎陽有亢陰雨無時以穢物投
之輒能暴雨其水導源東流以源出青山故以青谿
為名尋源浮谿奇為溪峭盛宏之云稠木萌生凌空
交合危樓傾岳疑作阜恒有落勢風泉傳響於青林之
下巖援流聲於白雲之上遊者常若疑作苦目不周翫
情不給賞是以林徒棲託雲客宅心泉側多結道士

當陽縣荆門川
屬縣

當陽長阪在當
陽縣北一百里

磨城在當陽縣
東四十里麥城
在縣東六十里
驢城在麥城東

楚昭王墓在枝
江縣西北

枝江縣今荆州
府屬縣

精廬焉青谿又東流入於沮水沮水又屈逕其縣南
晉咸和中為沮陽郡治也沮水又東南逕當陽縣城
北縣城因岡為阻北抗沮川其故城在東一百四十
里謂之東城在綠林長阪南長阪即張翼德橫矛處
也沮水又東南逕驢城西磨城東又南逕麥城西昔
關雲長詐降處自此遂叛吳志呂蒙襲羽羽在樊城
自知孤窮乃走麥城至漳
鄉眾皆委羽而降
以是父子俱獲傳云子胥造驢磨二城以攻麥邑
沮水又南逕楚昭王墓東對麥城故王仲宣之賦登
樓云西接昭邱是也沮水又南與漳水合焉
又東南過枝江縣東南入於江
沮水又東南逕長城東又東南流注於江謂之沮口

荆山在襄陽府南漳縣西北八十里

編縣今荆門州地臨沮縣故城在南漳縣界

也

漳水出臨沮縣東荆山東南過薤亭又東過章鄉南荆山在景山東一百餘里新城沛鄉縣界雖羣峰競舉而荆山獨秀漳水東南流又屈西南逕編縣南縣舊城東北一百四十里高陽城西南移治許茂故城城南臨漳水又南歷臨沮縣之彰鄉南昔關羽保麥城詐降而遯潘璋斬之於此漳水又南逕當陽縣又南逕於麥城東王仲宣登其東南隅臨漳水而賦之曰夾清漳之通浦倚曲沮之長洲是也漳水又南流注於水注之山海經曰滄水出東北宜諸之山而流注於漳水

又南至枝江縣北烏扶邑入於江

地理志曰禹貢東條荆山在臨沮縣之東北漳水所出東至江陵入楊水注於沔非也今漳水於當陽縣之東南一百里餘而右會沮水也

夏水出江流於江陵縣東南

江津豫章口東有中夏口是夏水之首江之汜也屈原所謂過夏首而西浮顧龍門而不見也龍門即郢城之東門也

又東過華容縣南

縣故容城矣春秋魯定公四年許遷於容城是也北臨中夏水自縣東北逕成都郡故城南晉永嘉中西

江陵縣今湖北荆州府附郭首縣

華容縣今湖南岳州府屬縣

監利縣今湖北
荊州府屬縣
雲杜縣今湖北
安陸府鍾祥縣

京山縣地
沔陽縣今湖北
漢陽府漢陽縣
安陸縣今湖北
德安府首縣
雲夢澤跨江
北華容枝江
夏安陸皆其地
竟陵縣今湖北
漢陽府沔陽州
地

夏汭杜注漢水
曲入江今夏口
也應劭曰夏水
冬竭夏流故謂
之夏荆州記夏
口入江處謂之
夏汭蓋夏水之
尾也漢末謂之

蜀阻亂割華容諸城為潁王都夏水又逕交阯太守
胡寵墓北漢太傅廣身陪陵而此墓側有廣碑故世
謂廣冢非也其文言是蔡伯喈之詞歷范西戎墓南
王隱晉書地道記曰陶朱冢在華容縣樹碑云是越
之范蠡晉太原地記盛宏之荊州記劉澂之記竝言
在縣之西南郭仲產言在縣東十里檢其碑題云故
西戎令范君之墓碑文缺落不詳其人稱蠡是其先
也碑是永嘉二年立觀其所述最為究悉似親逕其
地故違眾說從而正之水又東逕監利縣南晉武帝
太康五年立縣土卑下澤多陂池西南自州陵東界
逕於雲杜沌陽為雲夢之藪矣韋昭曰雲夢在華容

縣按春秋魯昭公三年鄭伯如楚子產備田具以田
江南之夢郭景純言華容縣東南巴邱湖是也杜預
云枝江縣安陸縣有雲夢蓋跨川亘隰兼苞勢廣矣
夏水又東夏楊水注之水上承楊水於竟陵縣之柘
口竟陵當東南流與中夏水合謂之夏楊水又東北
逕江夏惠懷縣北而東北注

又東至江夏雲杜縣入於沔
應劭十三州記曰江別入沔為夏水源夫夏之為名
始於分江冬竭夏流故納厥稱既有中夏之目亦苞
大夏之名矣當其浚水之所出謂之堵口焉鄭元注
尚書滄浪之水言今謂之夏水來同故世變名焉劉

夏口亦曰漢口亦曰沔口沔之下流為漢夏水會三水共出此口也章懷太子曰夏口實在江北唐置鄂州而夏口之名移於江南沔水入江之口亦只謂漢口矣今在武昌府江夏縣荆江中

白水在甘肅直隸州階州文縣地有天池

激之著永初山川記云夏水古文以為滄浪鮫父所歌也因此言之水應由沔今按夏水是江流沔非沔入夏假使沔注夏其勢西南非尚書又東之文余亦以為非也自堵口下沔水宋本作沔水通兼夏目而會於江謂之夏沔也故春秋左傳稱吳伐楚沈尹射奔命夏沔也杜預曰漢水曲入江即夏口矣

羌水出羌中

按漢志引水經云羌水出羌中參谷

彼俗謂之天池白水矣地理志曰出隴西羌道東南流逕宕昌城東西去天池五百餘里水又東南逕宕昌婆川城東南北注羌水昔姜維之寇隴右也聞鍾會入漢中引還知雍州刺史諸葛緒屯橋頭從此

葭蘆城在階州境

陰平郡今階州屬文縣地

谷將出北道緒邀之此路維憂從此道渡橋頭入劔閣緒追之不及羌水又東南陽部水注之水發東北陽部谿西南逕安民戍又西南注羌水又東南逕武階城西南又東南葭蘆城西羊湯水入焉水出西北陰平北界湯谿東南逕北部城北又東南逕三部城南東南右妾水一作接水合芴西南出即水源所發也羌水又逕葭蘆城南逕餘城南又東南左會五會水宋本作五部水水有二源出南北五部谿西南流合為一水屈而東南注羌水羌水又東南流至橋頭合白水東南去白水縣故城九十里

又東南至廣魏白水縣與漢水合又東南過巴郡閬中

水經注卷三十一
涪水出廣魏涪縣西北
縣又南至墊江縣東南入於江廣魏字誤當作廣漢後同

涪水出廣漢屬國剛氏遊徼外東南流逕涪水西漢按

書地理志廣漢郡剛氏道注此當作剛氏道徼外東南流逕涪縣西王莽之統睦臧宮

進破涪城斬公孫恢於涪自此水上縣有潺水出潺

山水源有金銀礪當作礪洗取火合之以成金銀潺水

歷潺亭而下注涪水涪水又東南逕縣竹縣北臧宮

溯涪至平陽公孫述將王元降遂拔縣竹涪水又東

南與建始水合水發平洛郡西谿西南流屈而東西

流入於涪涪水又東南逕江油戍北鄧艾自陰平景

谷步道縣兵東馬入蜀逕江油廣漢者也涪水又東

閬中縣今四川保寧府附郭首縣
墊江縣今四川直隸州忠州屬縣
涪縣今四川直隸州綿州地又龍安府彰明縣地
剛氏今龍安府平武縣油江縣地
縣竹縣今綿州屬縣

南逕南安郡南又南與金堂水會水出廣漢新都縣東南流入涪涪水又南枝出焉西逕廣漢五城縣為五城水又西至成都入於江

南至小廣魏與梓潼合

小廣魏即廣漢縣地王莽更名曰廣信也

梓潼水出其縣北界西南入於涪

故廣漢郡也公孫述改為梓潼郡劉備嘉霍峻守葭

萌之功又分廣漢以北別為梓潼郡以峻為守縣有

五女蜀王遣五丁迎之至此見大蛇入山穴五丁引

之山崩壓五丁及五女因是一作氏山為五婦山又曰

五婦侯馳水所出一曰五婦水亦曰潼水也其水導

新都縣今四川城都府屬縣又金堂縣唐時分縣地立

廣漢縣今成都府屬漢州地

梓潼縣今綿州屬縣

五婦山在梓潼縣北一十二里

源南逕梓潼縣王莽改曰子同矣自縣西逕涪城東

又南入於涪水謂之五婦水口也

又西南至小廣魏縣南入於墊江魏當作漢縣字衍

亦言涪水至北入漢水亦謂之為內水北逕墊江昔

岑彭與臧宮自江州從涪水上公孫述令延岑盛兵

於沈水沅水一作沅水官左步右騎夾船而進勢動山谷大破

岑軍斬首溺水者萬餘人水為濁流沈水出廣漢縣

下入涪水也

涪水出漢中南縣東南旱山北至沔陽縣南入於沔南

當作南鄭縣按漢志南鄭縣有旱山

涪水即黃水也東北流逕城固南城北城在山上或

南鄭縣今陝西漢中府附府首

縣旱山在府城西南六十五里

沔陽縣今漢中府沔縣地城固縣漢中府屬將有南北二城

言韓信始立或言張良創築未知定所制矣義熙九

年索遐為果州刺史自城固治此故謂之南城城周

七里今澗當作澗帶谷絕壁百尋北谷口造城東門有

山尋澗五里有餘盤道登陟方得城治城北水舊有

桁北渡涪水水北有趙軍城城北又有桁渡沔取北

城城即大城固縣治也黃水右岸有悅歸館涪水歷

其北北至沔陽左沔為三水口也

水經卷三十三

其水出於岷山... 漢桑欽撰 後魏酈道元注 新安張匡學三悅氏釋

水經卷三十三

漢桑欽撰

後魏酈道元注

新安張匡學三悅氏釋

江水一

岷山在蜀郡氏道縣大江所出東南過其縣北

岷山即瀆山也水曰瀆水矣又謂之汶阜山在徼外

江水所導也益州記曰大江泉源即今所開始發羊

膊嶺下緣崖散漫小大百數殆未濫觴矣東南下百

餘里至白馬嶺而歷天彭關亦謂之為天谷也秦昭

王以李冰為蜀守冰見氏道縣有天彭山兩山相對

其形如闕謂之天彭門亦曰天彭關江水自此已上

至微弱所謂發源濫觴者也漢延平中岷山崩壅江

岷山在四川直
隸州茂州南山
之附曰羊膊江
水所出

天彭山在四川
成都府彭縣四
北三十里

汶山郡治今茂州地

龍涸人呼龍飲池在成都府金堂縣界石鏡在成都府城北武擔山上

邛崃山在四川雅州府清溪縣北山有九折坂蓋山路阻峻回曲九折迺至山上故名

汶江縣今四川百隸州綿州屬步縣地王輪江在茂州屬汶川縣西

水三日不流揚雄反離騷云自岷山投諸江流以弔屈原名曰反騷也

江水自天彭關東逕汶關而歷氏道縣北

漢武帝元封四年分蜀郡北部置汶山郡以統之縣本秦始皇置後為升遷縣也益州記曰自白馬嶺回行二千餘里至龍涸又八十里至西陵縣又南下六十里至石鏡又六十餘里而至北部始百許步又西百二十餘里至汶山故郡乃廣二百餘步又西南百八十里至濕阪江稍大矣故其精則井絡纏曜江漢兩靈河圖括地象曰岷山之精上為井絡帝以會昌神以建福故書曰岷山導江泉流深遠盛為四瀆之

首廣雅曰江貢也風俗通曰出珍物可貢獻釋名曰江共也小水流入其中所公共也東北百四十里崃山中江所出東注於大江崃山邛崃山也在漢嘉嚴道縣一曰新道山南有九折阪夏則凝冰冬則毒寒王子陽按轡處也平恒言是中江所出矣郭景純江賦曰流二江於岷崃又東百五十里曰岷山北江所出東注於大江山海經曰岷山江水出焉東注大江其中多怪蛇江水又逕汶江道汶出徼外崃山西玉輪阪下而南行又東逕其縣而東注於大江故蘇代告楚曰蜀地之甲浮船於汶乘夏水而下江五日而至郢謂是水也

又有湔水入焉

水出縣道亦曰縣夸縣之玉壘山呂忱云一曰半沱

水也下注江縣夸字誤按漢志蜀郡有縣虎注云玉壘山湔水所出東南至江陽入江應

音斯

江水又東別為沱

開明之所鑿也郭景純所謂玉壘作東別之標者也

縣即汶山郡治劉備之所置也渡江有笮橋

江水又歷都安縣

縣有桃關漢武帝祠李冰作大堰於此堰於江作壩

壩有左右口謂之湔壩江入郫江檢江以行舟益州

記曰江至都安堰其右檢其左其正流遂東郫江之

綿虎縣今汶川縣地玉壘山在成都府灌縣西北二十九里

沱在成都府新繁縣西北一十五里笮橋在府城西四里

都安縣今灌縣地郫江堰在邑內今為九邑水源

臨邛縣今四川直隸州邛州地

右也因山頽水坐致竹木以漑諸郡又羊摩江灌江西於玉女房下作三石人於白沙郵郵在堰官上立水中刻要江神水竭不至足盛不沒要是以蜀人旱則藉以為漑雨則不遏其流故記曰水旱從人不知饑饉沃野千里世號陸海謂之天府也俗謂之都安之堰亦曰湔堰又謂金隄左思蜀都賦云西踰金隄者也諸葛亮北征以此堰農大一作本國之所資以征丁千二百人主護之有堰官益州刺史皇甫晏至都安屯觀阪從事何旅曰今所安營地名觀阪自上觀下反上之象其徵不祥不從果為牙門張宏所殺江水又逕臨邛縣王莽之監邛也縣有火井鹽水昏夜

郫縣今成都府屬縣

成都縣今成都府附府首縣

之時光興上照華陽國志作光映上昭江水又逕江鄉縣王莽
夏名邛原也郫江水出焉江水又東北逕郫縣下縣
民有姚精者為叛夸所殺掠其二女二女見夢其兄
當以明日自沈江中喪後日當至可伺候之果如所
夢得二女之尸於水郡縣表異焉江水又東逕成都
縣縣以漢武帝元鼎二年立縣有二江雙流郡下故
揚子雲蜀都賦曰兩江珥其前者也風俗通曰秦昭
王使李冰為蜀守開成都兩江溉田萬頃神歲取童
女二人為婦冰以其女與神為婚徑至神祠勸神酒
酒柸恒澹澹冰厲聲以責之因忽不見良久有兩牛
鬪於江岸翁有問冰還流汗謂官屬曰吾鬪疲極當

雒縣今成都府屬漢州地

相助也南向腰中正白者我綬也主簿刺殺北面者
江神遂死蜀人慕其氣凌凡壯健者因名冰兒也秦
惠王二十七年遣張儀與司馬錯等滅蜀遂置蜀郡
焉王莽改之曰導江也儀築成都以象咸陽晉太康
中蜀郡為王國夏為成都內史益州刺史治地理風
俗記曰華陽黑水惟梁州漢武帝元朔二年改梁曰
益州以新啓犍為牂越巂州之疆壤益廣故稱益
云初治廣漢之雒縣後乃徙此故李固與弟圖書曰
固今年五十七鬢髮已白所謂容身而遊滿腹而去
周觀天下獨未見益州耳昔嚴夫子常言經有五涉
其四州有九遊其八欲類此子矣初張儀築城取土

千秋池在成都
府城東萬歲池
左府城北一十
里

石犀淵在成都
府南市橋下

萬里橋在成都
府中和門外

文翁石室在成
都府城南

錦官城在萬里
橋南

廣都縣今成都
府雙流縣地

昇仙橋在成都
府城北七里

處去城十里因以養魚今萬頃池是也城北又有龍
隄池城東有千秋池西有柳池西北有天井池津流
徑通冬夏不竭西南兩江有七橋直西門郛江冲里
橋西南石牛門曰市橋吳漢入蜀自廣都令輕騎先
往焚之橋下謂之石犀淵李冰昔作石犀五頭以厭
水精穿石犀渠於南江命之曰犀牛里後轉犀牛二
頭在府中一頭在市橋一頭沈之於淵也大城南門
曰江橋橋南曰萬里橋西上曰夸橋下曰荏橋南岸
道東有文學始文翁為蜀守立講堂作石室於南城
永初舊水經作永年華陽國志作永初宋本作永平後學堂遇火後守夏增
二石室後州奪郡學移夸里道西故錦官也言錦工

織錦則濯之江流而錦至鮮明濯以沱江則錦色弱
矣遂命之為錦里也蜀有迴復水江神常溺殺人文
翁為守祀之勸酒不盡拔劍擊之遂不為害江水東
逕廣都縣漢武帝元朔二年置王莽之就都亭也李
冰識察水脈穿縣鹽井江西有望穿鑿山渡水結諸
陂池故盛養生之饒即南江也又從冲里橋北折曰
長升橋城北十里曰升遷有送客觀司馬相如將入
長安題其門曰不乘高華陽國志作赤車馬馬不過汝下也
後入邛蜀果如志焉李冰泐水造橋上應七宿故世
祖謂吳漢曰安軍宜在七橋連星間華陽國志云安軍宜在七星間
漢自廣都乘勝進逼成都與其副劉尚南北相望夾

五城縣今四川
潼川府中江縣
地
南安縣今四川
直隸州眉州之
丹稜縣青神縣
嘉定府峨眉縣
諸縣地
璧玉津在嘉定
府城東南

武陽縣今成都
府新津縣又直
隸州資州之仁
壽縣井研縣又

直隸州眉州又
州屬彭山縣地
其故城在彭山
縣東一十里

江原縣今成都
府灌縣崇慶州
地其故城在州
東南三十里

江為營浮橋相對公孫述使謝豐揚軍市橋出漢後
襲破漢墜馬落水緣馬尾得出入壁命將夜潛渡江
就尚擊豐斬之於是水之陰江北則左對繁田文翁
又穿湔渎以溉灌繁田一千七百頃江水又東絕縣
洛逕五城界至廣都北岸南入於江謂之五城水口
斯為北江水又東至南安為璧玉津故左思云東越
玉津也

又東南過犍為武陽縣青衣水洙水從西南來合而注
之洙水當
作洙水

縣故大夜郎國漢武帝開道置以為縣太初四年益
州刺史任安城武陽建元六年置王莽更名西順縣

曰戡成光武謂之士大夫郡華陽國志曰戡始時建
為遠奉貢職及公孫述

有蜀郡拒守述伐之郡功曹朱遵逆戰死之而任
君業閉戶費貽素隱光武嘉之曰士大夫之郡也

鄴江入焉出江源縣首受大江東南流至武陽縣注
於江縣下注上舊有大橋廣一里半謂之安漢橋水

盛歲壞民苦治功後太守李嚴鑿大杜山華陽國志
作天杜山

尋江通道此橋遂廢縣有赤水下注江建安二十九

年有黃龍見此水九日方去此縣藉江為大堰開六

水門用灌郡下北山昔者王喬所升之山也華陽國
志犍為

東接江陽南接未提止接蜀郡西接
廣漢王喬升其北山彭祖家其彭澤江水又與文井

江會李冰所導也自苻道與濛谿分水至蜀郡臨邛

縣與布僕水合水出徼外成都西沈黎郡漢武元封

青城山在成都府灌縣西南五十里岷山千里青城迺其第一峯

邛都縣今四川寧遠府附郭首邑西昌縣地

青蛉縣今雲南楚雄府大姚縣又澂江府新興州地

葉榆縣今雲南大理府附郭首邑太和縣又鄧川州又浪穹縣地

彭亡山一名平模山在眉州彭山縣東一十里彭祖冢在彭亡山

熊耳山在眉州青神縣西蜀志

四年以蜀都西部邛笮邛理旄牛道天漢四年置都尉主外羌在邛來山表自蜀西渡邛笮其至險有弄棟八度之難揚母閣路之阻水從縣西布僕來分為二流一水逕其道又東逕臨邛縣入文井水文井水又東逕江都縣縣濱文井江江上有長隄隄跨四十里有朱亭亭南有青城山玉匣經云青城山黃帝封岳再朝六時洒泉以代畧漏在岷山之南羣峰掩映互相連撞虛無所宅祥異則多山上嘉穀山下有蹲鴟即芋也所謂下有蹲鴟至老不饑卓氏之所以樂遠徙也文井江又東至武陽縣天社山下入江其一水南逕越巂邛都縣西東南至雲南郡之蜻蛉縣郡本雲山華陽國志作川地也蜀建興三年置僕

水又南逕永昌郡邪龍縣而與貪水合水出蜻蛉縣上承蜻蛉水逕葉榆縣又東南至邪龍入於僕僕水又逕寧州建寧縣州故庾降都督屯故南入謂之屯下劉禪建興三年分益州郡置歷雙柏縣即水入焉水出秦藏前漢地志作臧縣牛蘭山南流至雙柏縣東注僕水又東至來唯縣入勞水水出徼外東逕其縣與僕水合僕水東至交州交阯郡麓冷一作陵縣南流入於海江水自武陽東至彭亡聚昔岑彭與吳漢源江水入蜀軍次是地知而惡之會日暮不移遂為刺客所害亦謂之平謨水曰外水此地有彭冢言彭祖冢焉江水又東南逕南安縣西有熊耳峽連山竟險接嶺

望帝以熊耳靈
關為後戶即此

我眉山在眉州
城南二百里

棘道縣今四川
敘州府宜賓縣
地附郭

爭高漢和平中山崩地震江水逆流縣溉有灘名壘
坻亦曰監溉李冰所平也華陽國志南安縣郡東四
百里治青衣江會縣溉有
名灘一曰雷垣二曰縣治青衣江會衿帶二水矣即
蜀王開明故治也來敏本蜀論曰荆人鼈令死漢志
荆
郡有其尸隨水上荆人求之不得鼈令至汶山下復
生起見望帝望帝者杜宇也從天下女子朱利自江
源出為宇妻遂王於蜀號曰望帝望帝立以為相時
巫山峽而蜀水不流帝使鼈令鑿巫峽通水蜀得陸
處望帝自以德不若遂以國禪號曰開明縣南有峨
眉山有濛水即大渡水也水發蒙漢東南流與泝水
合水出徼外逕汶江道呂忱曰泝水出蜀許慎以為

泝水也從水我聲南至南安入大渡水大渡水又東
入江故山海經曰濛水出漢陽西入江瀟陽西
又東南過棘道縣北若水淹水合從西來注之又東注
水北流注注水疑誤北流
注下當有之字

縣本棘人居之地理風俗記曰夸中最仁有仁道故
字從人秦紀謂棘僮之富者也其邑高后六年城之
漢武帝感相如之言使縣令南通棘道費功無成唐
蒙南入斬之乃鑿石開閣以通南中迄於建寧二千
餘里山道廣丈餘深三四丈其塹舊本
作塹之迹猶存王
莽更曰棘治也山多猶狢似猴而短足好遊巖樹一
騰百步或三百丈順往倒返乘空若飛縣有蜀王兵

鴛鴦圻在敘州
府南溪縣即黃
氏女尋夫尸處

南廣縣今敘州
府慶符縣南溪
縣諸縣地

江陽縣今敘州
府富順縣長寧
縣又直隸州瀘
州又州屬納溪
縣江安縣地
三危山在甘肅
直隸州安西州
附郭首邑燉煌
縣境
漳山一名洛通
山在成都府什
邛縣西六十里

蘭華陽國志云江有兵欄李冰其神作大難江中崖

峻咀險不可穿鑿李冰乃積薪燒之故其處縣巖猶

有赤白元黃五色焉赤白照水元黃從焚來至此而

止言畏崖嶼不更上也後漢志云越舊舊本有焚人

從楚來至此而止益部耆舊傳曰張員妻黃氏女也名帛華陽

國志云熒道黃帛張貞妻也員乘船覆沒求尸不得帛至沒處灘

頭仰天而歎遂自沈淵積十四日帛持員手於灘下

出時人為說曰符有先洛焚道有張帛者也華陽國

有先洛焚道有張帛江陽郡志內先氏女名絡

江水又與符里水合

水出寧州南廣郡南廣縣縣故犍為之屬縣也漢武

帝太初元年置劉禪延熙中分以為郡導源汾關山

北水流有大步宋本作涉水注之出南廣縣北流注符里

水又北逕熒道入江謂之南廣口渚水則未聞也

又東過江陽縣南洛水從三危山東過廣魏洛陽南東

南注之魏當作漢

洛水出洛縣漳山亦言出梓潼縣柏山山海經曰三

危在燉煌南與嶠山相接山南帶黑水又山海經不

言洛水所道經曰出三危山所未詳常璩云李冰道

洛通山水流發暴一作口逕什邛縣漢高帝六年封

雍齒為侯國王莽更名曰美信縣也洛水又南逕洛

縣故城南廣漢郡治也漢高祖之為漢王也發巴渝

洛縣今成都府屬漢州地其故城在府城南

落鳳坡一名鹿頭關有龐士元墓在綿州德陽縣北三十里

沈鄉孝泉在德陽縣西北四十里後漢列女傳作姜詩與妻孝感躍鯉處

新都縣今成都府屬縣

綿竹縣今直隸州綿州屬縣

牛鞞縣今成都府簡州地

資中縣今直隸州資州又州屬資陽縣內江縣地

漢安縣今內江縣地

之士北定三秦六年乃分巴蜀置廣漢郡於乘鄉王莽之就都縣曰廣信也漢安帝永初二年移治涪城後洛縣先是洛縣城南每陰雨常有哭聲聞於府中積數十年沛國陳寵為守以亂世多死亡暴骸不葬故也乃悉收葬之哭聲遂絕劉備自將攻洛龐士元中流矢死於此益州舊以蜀郡廣漢犍為三蜀土地沃美人士雋又為一州稱望縣有沈鄉去江七里居士遊之所居詩至孝母好飲江水嗜魚膾常以雞鳴遡流汲江子坐又水溺死婦恐姑知稱詩遊學冬夏衣服實投江流於是至孝上通洞泉泉出其舍側而有江之甘焉詩有田濱江澤鹵泉流所溉盡為沃野

又涌泉之中旦旦常出鯉魚一雙以膳焉可謂孝悌

發於方寸徽美著於無窮者也江士遊後漢書作姜士遊華陽國志云孝

廣都此其一焉與縣水合水西出縣竹縣又與湔水

合亦謂之郫江也又言是洛宋本水呂忱曰一曰湔

然此二水俱與洛會矣又逕犍為牛鞞水昔羅尚乘

牛鞞水東征李雄謂此水也縣以漢武帝元封二年

置又東逕資中縣又逕安漢縣謂之縣水也自上諸

縣咸以溉灌故語曰縣洛為沒沃也縣水至江陽縣

方山下入江謂之縣水口曰中水江陽縣枕帶雙流

據江洛會也漢景帝六年封趙相蘇嘉為侯國江中

江陽郡漢安縣
今直隸州瀘州

有大門小門焉季秋之月則黃鱗魚死漚也黃鱗下有譌誤
按華陽國志云江中有大闕小闕季春黃龍堆沒闕即平昔世祖微時過江陽縣
有一子望氣者言江陽有貴兒象王莽求之而撩煞
之後世祖怨為子立祠於縣謫其民罰布數世華陽國志
云江陽有貴兒氣王莽求之而縣人揚雄琴清英曰
殺之世祖謫其民不使冠帶者數世揚雄琴清英曰
尹吉甫子伯奇至孝後母譖之自投江中衣苔帶藻
忽夢見水僊賜其美藥惟養親揚聲悲歌船人聞之
而學之吉甫聞船人之聲疑似伯奇援琴作子安之
操

江水逕安漢縣北

縣雖迫山川土地特美蠶一作魚鹽家有焉江陽郡

屬江安縣地

治也故犍為岐江都尉建安十八年劉璋立

江水東逕樊石灘又逕大附灘

頓歷二險也

又東過符縣北邪東南鰓部水從符關東北注之漢志有邪

龍縣

符縣今瀘州又
州屬合江縣地

縣故巴夸之地也漢武帝建初六年以唐蒙為中郎
將從萬人出巴符關者也漢武元鼎二年立王莽之

符信矣縣治安樂水會水源南通寧州平夸郡龍縣

北逕安縣界之東又逕符縣下北逕安縣疑有脫落

有符北入江縣長趙祉遣吏光尼和以永建元年十

一月詣巴郡沒死成濡灘子賢求喪不得女絡年二

安縣今直隸州
縣州屬縣

江州縣今四川
保寧府又重慶
府附府首邑巴
縣又江津縣南

川縣地
宣漢縣今四川
直隸州達州州
縣地
漢中縣今陝西
漢中府地
巴嶺山即大巴
山在漢中府西
郿縣界接四川
保寧府巴州界
巴郡故城在重
慶府城西
巴杜注巴國在
巴郡江州縣今
保寧府巴州重
慶府巴縣地

水經江州地卷三十三

十五歲有二子五歲以還至二年二月十五日尚不
得喪絡乃乘小船至父沒處哀哭自沈見夢告賢曰
至二十一日與父俱出至日父子果浮出江上郡縣
上言為之立碑以旌孝誠也華陽國志作先尼和沒
死女絡以不得喪自沈
父沒處後漢書云孝女叔先雄父泥和為犍為功曹
墮湍水物故雄怨痛不得尸喪百許日後自投水却
後六日與父相持浮於江上按神
記云犍為叔先泥和其女名雄
其鰥部之水所未
聞矣或是水之殊目非所究也

又東北至巴郡江州縣東強水涪水漢水白水宕渠水
水合南流注之宋本作
五水合

強水即羌水也宕渠水即潛水渝水矣巴水出晉昌
郡宣漢縣巴嶺山郡隸梁州晉太康中立治漢中縣

南去郡八百餘里故屬巴西南流歷巴中逕巴郡故
城南李嚴所築大城北西南入江庾仲雍所謂江州
縣對二水口右則涪內水左則蜀外水即是水也江
州縣故巴子之都也春秋桓公九年巴子使韓服告
楚請與鄧好是也及七國稱王巴亦王焉秦惠王遣
張儀等枚苴侯於巴儀貪巴苴之富因執其王以歸
而置巴郡焉巴治江州漢獻帝初平元年分巴為三
郡於江州則永寧郡治也至建安六年劉璋納騫濟
華陽國志之訟復為巴郡以嚴顏為守顏見先主入
作襄亂蜀歎曰獨坐窮山放虎自衛此即拊心處巴漢世郡
治江州巴水北北府城是也後乃徙南城劉備初以

清水穴今稱粉水并
在重慶府城西

塗山在重慶府城東八里有夏禹廟塗君祠故址

枳縣今重慶府長壽縣南川縣地

明月峽即廣德嶼在重慶府城東枳縣故城在重慶府北一百一十五里

江夏費觀為太守領江州都督後都護李嚴愛城周一十六里造倉龍白虎門求以五郡為巴州治丞相諸葛亮不許竟不果地勢側嶮皆重屋累居數有火害又不相容結舫水居者五百餘家承三江之會夏水增盛壞散顛沒死者無數縣有官橘官荔枝園夏至則熟二千石常設廚膳命士大夫共會樹下食之縣北有稻田出御米也縣下又有清水穴巴人以此水為粉則皜曜鮮芳貢粉京師因名粉水故世謂之為江州墮林粉粉水亦謂之為立水矣江水北岸有塗山南有夏禹廟塗君祠廟銘存焉常璩仲雍竝言禹娶於此余按羣書咸言禹娶在壽春當塗不於此

也

又江水東至枳縣西延江從牂牁郡北流西屈注之東逕陽關巴子梁江之兩岸猶有梁處巴之三關斯為一也延熙中蜀車騎將軍鄧芝為江州都督治此江水又東右逕黃葛峽山高嶮今無人居江水又左逕明月峽東至黎鄉歷雞鳴峽江之兩岸有枳縣治華陽記曰枳縣在江州巴郡東四百里治涪陵水會庾仲雍所謂有別江出武陵者也水乃延江之枝津分水北注逕涪陵入江故亦曰涪陵水也其水南逕武陵郡昔司馬錯泝舟此水取楚黔中地延熙中鄧芝伐徐巨射元媛於是縣媛自拔矢卷木葉塞射瘡

漢平縣今重慶府屬涪州地

銅柱灘在涪州東涪陵江中

枳縣平都縣今四川直隸州忠州屬鄆都縣地

虎鬚灘在鄆都縣東

芝歎曰傷物之生吾其死矣江水又東逕涪陵故郡北後乃并巴郡遂罷省江水又東逕文陽灘險難上江水又東逕漢平二百餘里左自涪陵東出百餘里而屆於積石東為桐柱灘

又逕東望峽東歷平都

峽對豐民洲舊巴子別都也華陽記曰巴子雖都江平州又治平都即此處也有平都縣為巴郡之隸邑矣縣有天師治兼建佛寺甚清靈縣有市肆四日一會

江水又逕虎鬚灘

灘水廣大夏斷行旅

江水又東逕臨江縣南

臨江縣今忠州又州屬墊江縣地胸忍縣今忠州屬梁山縣又四川夔州府雲陽縣萬縣開縣地

王莽之鹽江縣也華陽記曰縣在枳東四百里東接胸忍縣有鹽官自縣北入鹽井谿有鹽井營戶公注

谿井水當作注鹽井谿水

江水又東得黃華水口

江浦也

左逕石城南

庾仲雍曰臨江至石城黃華口一百里

又東至平洲

洲上多居民

又東逕壤塗而歷和灘又東逕界壇

魚復縣今四川夔州府附郭首邑奉節縣地

涪陵縣今重慶府涪州地

南浦縣今忠州梁山縣夔州府萬縣地

新浦縣故城在夔州府開縣界

高梁山在梁山縣北二十里

使君灘在夔州府萬縣東

彭水縣今四川直隸州酉陽州

是地巴東之西界益州之東境故得是名也又東過魚復縣南夸水出焉

江水又東右得將龜谿口

華陽記曰胸忍縣出靈龜咸熙元年獻龜於相府言出自此谿也

江水又東南會北集渠

二谿水涪陵縣界謂之于陽谿北流逕巴東郡之南浦僑縣西谿夾側鹽井三口相去各數十步以木為桶徑五尺修煮不絕谿水北流注於江謂之南集渠口亦曰于陽谿口北水出新浦縣北高梁山分谿南流逕其縣西又南一百里入胸忍縣南入於江謂之

北集渠口別名班口又曰分水口胸忍尉治此

江水又右逕池谿口

蓋江汜洩入也

江水又東逕右龍

水至於博陽二邨之間有盤石廣四百丈長六里而復殆於咀寒江川夏沒冬出基亘通渚

又東逕羊腸虎臂灘

楊亮為益州至此舟覆懲其波瀾蜀人至今猶名之為使君灘

江水又東彭水注之

水出巴渠郡獠當作羣獠中東南流逕漢豐縣東清水注

屬縣
漢豐縣今夔州
府開縣地

巴渠縣今直隸
州達州屬東鄉
縣地

肱忍縣故城在
夔州府雲陽縣
西六十里

巫溪在夔州府
大寧縣東

之水道源出西北巴渠縣東北巴嶺南獠中即巴渠
水也西南流至其縣又西入峽檀井谿水出焉又西
過山至漢豐縣東而西注彭谿謂之清水口彭谿又
入逕胸忍縣西六十里南流至於江謂之彭谿口

江水又東右逕胸忍縣故城南
常璩曰縣在巴東郡西二百九十里縣治故城跨其
山阪南臨大江之南岸有方山山形方峭枕側江濱
江水又東逕瞿巫灘

即下瞿灘也又謂之博望灘左則湯谿水注之水源
出縣北六百餘里上庸界南流歷之當作縣翼帶鹽
井一百所巴川資以自給粒大者方寸中央隆起形

如張傘故因名之曰傘子鹽有不成者形亦必方異
於常鹽矣王隱晉書地道記曰入湯口四十三里有
石煮以為鹽石大者如升小者如拳煮之水竭鹽成
蓋蜀火井之倫水火相得乃佳矣湯谿下與檀谿水
合上承巴渠水巴渠南歷檀井谿之檀井水下入湯
水湯水又南入於江名曰湯口

江水又逕東陽灘

江上有破石故亦通謂之破石灘荀延光沒處也舊本
作荀延光常璩曰水道有東陽下瞿數灘山有大小
吳改作荀石城靈壽木及橘園也故地理志曰縣有橘官有民
市

江水又逕魚復縣之故陵

舊郡治故陵谿西二里故陵邨谿即永谷也地多木瓜樹有子大如甌白黃實甚芬香爾雅之所謂楸也江水又東為落牛灘逕故陵北

江側有六大墳庾仲雍曰楚都丹陽所葬亦猶枳之巴陵矣故以故陵為名也有魚復尉戍此江之左岸有巴鄉邨邨人善釀故俗稱巴鄉清郡出名酒邨側有谿谿中多靈壽木中有魚其頭似羊豐肉少骨美於餘魚谿水伏流逕平頭山內通南浦故縣陂湖其地平曠有湖澤中有菱芡鯽鴈不異外江凡此等物皆入峽所無地密惡蠻不可輕至

巴鄉村產靈壽木在夔州府城西五十里

南浦縣故城在夔州府萬縣界

江水又右逕夜清而東歷朝陽道口

有縣治治下有市十日一會

江水又東左逕新市里南

常璩曰巴舊立市於江上今新市里是也

江水又東右合陽元水口

水口出陽縣西南高陽山東東北流逕其縣南東北流丙水注之水發縣東南柏枝山山下有丙穴穴方數丈中有嘉魚常以春末遊渚冬初入穴抑亦襄漢丙穴之類也任豫益州記云嘉魚之鱗似鱒蜀人謂之拙魚從石孔隨泉出大者五六尺其水北流入高陽谿谿水又東北流注於江謂之陽元水口

丙穴在直隸州遼州屬太平縣東

永安宮即今夔州府學地

江水又東逕南鄉峽東逕永安宮南

劉備終於此諸葛亮受遺處也其間平地可二十許里江山迴闊入峽所無城周十餘里背山面江頽墉四毀荆棘成林左右民多墾其中

江水又東逕諸葛亮圖壘南

石磧平曠望兼川陸有亮所造宋本云所作八陣圖東跨

八陣圖磧在夔州府城南大江濱

故壘皆累細石為之自壘西去聚石八行行間相去二丈因曰八陣既成自今行師庶不覆敗皆圖兵勢行藏之權自後漢識者所不能了今夏水漂蕩歲月消損高處可二三尺下處磨滅殆盡

江水又東南逕赤岬西

赤岬山在夔州府城東北七里白帝山在府城東五里

是公孫述所造因山據勢周迴七里一百四十步東高二百丈西北高一千丈南連基白帝山甚高大不生樹木其土悉赤土人云如人袒胛故謂之赤岬山淮南子曰徬徨於山岬之旁注曰岬山脅也郭仲產曰斯名將因此而興矣

江水又東逕魚復縣故城南

魚復縣故城在赤岬山上

故魚國也春秋左傳文公十六年庸與羣蠻叛楚莊王伐之七遇皆北唯裨儵魚人逐之是也地理志江關都尉治公孫述名之為白帝取其王巴蜀章武二年劉備為吳所破改白帝為永安巴東郡治也漢獻帝初平元年分巴為三都以魚復為故陵郡趙印訴

魚裨儵杜注庸二邑也魚魚復縣今巴東永安縣按夔州府奉節縣即古魚復縣以縣東魚復

浦得名獨漢曰永安

淫預石在夔州府城西南

劉璋改為巴東郡治趙印當作蹇印見華陽國志白帝山城周迴二百八十步北緣馬嶺接赤岬山其間平處南北相去八十五丈東西十七丈又東旁東瀼谿即以為隍西南臨大江闕之眩目唯馬嶺小差委迤猶軌為路羊腸數四然後得上益州刺史鮑陋鎮此為譙道福所圍城裏無泉乃南開水門鑿石為函道上施木天公直下至江中有似猿臂相牽引汲然後得水水門之西江中有孤石為淫預石冬出水二十餘丈夏則沒亦有栽處宋本李膺益州記云豔瀨堆夏水漲作出矣沒數十丈其狀如馬舟人不敢進又曰猶豫言舟子取途不波水脈故猶豫也樂府作淫豫坤元錄作允豫縣有夸谿即狼山清江也經所謂夸水出焉

夔溪峽在夔州府城東

江水又東逕廣谿峽

斯乃三峽之首也其間三十里頽巖倚木厥勢殆交北岸山上有神淵淵北有白鹽崖高可千餘丈俯臨神淵土人見其高白故因名之天旱焚木岸上推其灰燼下穢淵中尋則降雨常璩曰縣有山舊本錯以瀨水注三百六十六字入此今改正之澤水神旱時鳴鼓請雨則必應嘉澤蜀都賦所謂應鳴鼓而興雨也峽中有瞿塘黃龍二灘夏水迴復汭所忌瞿塘灘上有神廟尤至靈驗刺史二千石逕過皆不得鳴角伐鼓商旅上水恐觸石有聲乃以布裹篙足今則不能爾猶饗薦不輟此峽多猿猴不生北岸非唯一處或有取之放著

北山中初不聞聲將同貉獸渡汶而不生矣蓋自昔
禹鑿以通江郭景純所謂巴東之峽夏后疏鑿者又
東出江關入南郡界

江水自關東逕弱關捍關

捍關廩君浮夸水所置也弱關在建平秭歸界昔巴
楚數相攻伐藉險置關以相防捍秦兼天下置立南
郡自巫上皆其城也又東過巫縣南鹽水從縣東南
流注之

江水入東烏飛水注之

入東當作又東

水出天門郡淩中縣界北流逕建平郡沙渠縣南又
北流逕巫縣南西北歷山道三百七十里注於江謂

古捍關在湖北
宜昌府長陽縣
南七十里

巫縣今四川夔
州府巫山縣湖
北宜昌府巴東
縣地

晉建平郡治所
今巫山縣地

之烏飛口

水經卷三十三



水經卷三十四

漢桑欽撰 後魏酈道元注 新安張匡學三悅氏釋

江水二

江水又東逕巫縣故城南

縣故楚之巫郡也秦省郡立縣以隸南郡吳孫休分為建平郡治巫城城緣山為墉周十二里一百一十步東西北三面皆帶芴溪谷南臨大江故謂之夔國也

江水又東巫谿水注之

谿水導源梁州晉興郡之宣漢縣東入當作南逕建平郡泰昌縣南又逕杜井縣西東轉歷其縣北井南

巫縣今四川夔州府巫山縣湖北宜昌府巴東縣地其故城在巫山縣界

宣漢縣今四川直隸州達州縣地泰昌縣今夔州

府大寧縣地

孔子泉一名聖泉在巫山縣治東

巫峽即巫山在巫山縣東三十里

有鹽井井在縣北故縣名北井建平一郡之所資也
鹽水下通巫谿谿水是兼鹽水之稱矣谿水又南屈
逕巫縣東縣之東北三百步有聖泉謂之孔子泉其
水飛清潔石穴竝高泉下注谿水谿水又南入於大
江

江水又東逕巫峽

杜宇所鑿以通江水也郭仲產云按地理志巫山在
縣西南而今縣東有巫山將郡縣居治無恒故也
江水歷峽東逕新崩灘

此山漢和帝永元十三年崩晉太元二年又崩當崩
之日水逆流百餘里涌起數十丈今灘上有石或員

如簞或方似屋若此者甚衆皆崩崖所隕致怒湍流
故謂之新崩灘其頽巖所餘北一作北之諸嶺尚為竦
桀其下十餘里有大巫山非唯三峽所無乃當抗峰
岷峨偕嶺衡疑其翼附群山竝繫青雲霞就霄漢辨
其優劣耳神血涂山海經作孟涂所處山海經曰夏后啓之
臣曰血涂是司神於巴巴人訟於血涂之所其衣有
血者執之是請生居山上在丹山西郭景純云丹山
在丹陽屬巴丹山西即巫山者也又帝女居焉宋玉
所謂天帝之季女名曰瑤姬未行而亡封於巫山之
臺精魂為草實為靈芝所謂巫山之女高唐之姬旦
為行雲暮為行雨朝朝暮暮陽臺之下旦早視之果

如其言故為立廟號朝雲焉其間首尾一百六十里
謂之巫峽蓋因山為名也自三峽七百里中兩岸連
山略無闕處重巖疊嶂隱天蔽日自非停午夜分不
見曦月至於夏水襄陵沿沂阻絕王命急宣有時朝
發白帝暮到江陵其間千二百里雖乘奔御風不以
疾也春冬之時則素湍淥潭迴清倒影絕巘多生裡
柏縣泉瀑布飛漱其間清榮峻茂良多趣味每至晴
初霜旦林寒澗肅常有高猿長嘯屢引淒異世說注引荆州
記作屬引清遠空谷傳響哀轉久絕故鮫者歌曰巴東三峽
巫峽長猿鳴三聲淚沾裳

江水又東逕石門灘

石門山在湖北
宜昌府巴東縣
東北三十五里

灘北岸有山山上合下開洞達東西緣江步路所由
劉備為陸遜所破是一作逕此門追者甚急備乃燒
斷鎧道孫桓為遜前驅奮不顧命斬上夔吳志道截
其要徑備踰山越嶮僅乃得免忿恚而歎曰吾昔至
京桓尚小兒而今迫孤乃至於此遂發憤而薨矣
又東過秭歸縣之南

縣故歸鄉地理志曰歸子國也樂緯曰昔歸典協聲
律宋忠曰歸即夔歸鄉蓋夔鄉矣古楚之嫡嗣有熊
摯者以廢疾不立而居於夔為楚附庸後王命為夔
子春秋僖公二十六年楚以其不祀滅之者也袁崧
曰屈原有賢姊聞原放逐亦來歸喻令自寬全鄉人

秭歸縣今宜昌
府屬歸州又與
山縣地
夔杜注楚同姓
國在秭歸縣歸
州志云州東二
十里有夔子城
地名夔沱

劉備城在歸州境

屈子故宅在歸州北一百里

丹陽城在歸州東七里

冀其見從因名曰秭歸即離騷所謂女嬃嬋媛以詈余也縣城東北依山即阪周迴二里高一丈五尺南臨大江古老相傳謂之劉備城蓋備征吳所築也縣東北數十里有屈原舊田宅雖畦堰縻漫猶保屈田之稱也縣北一百六十里有屈原故宅累石為屋基名其地曰樂平里宅之東北六十里有女嬃廟擣衣石猶存故宜都記曰秭歸蓋楚子熊繹之始國而屈原之鄉里也屈原宅於今具存指謂此也

江水又東逕城北其城馮嶺作固二百一十步夾谿臨谷據山枕江北對丹陽城城據山跨阜周八里二百八十步東北兩

面悉臨絕澗西帶亭下谿南枕大江嶮峭壁立信天固也楚子熊繹始封丹陽之所都也地理志以為吳子之丹陽論者云尋吳楚悠隔縵縷荆山無容遠在吳境是為非也又楚子先王陵墓在其間蓋為徵矣江水又東南逕夔城南

跨據川阜周迴一里百一十八步西北皆枕溪谷東帶鄉谿南側大江城內西北角有金城東北角有員大獄西南角有石井口徑五尺熊摯始治巫城後疾移此蓋夔徙也春秋左傳僖公二十六年楚令尹子玉城夔者也城夔左傳作滅夔服虔曰在巫之陽秭歸歸鄉矣

歸鄉縣今宜昌
府巴東縣地

狗峽今名白狗
峽在歸州東一
十五里

信陵縣今宜昌
府巴東縣地

江水又東逕歸鄉縣故城北

袁崧曰父老傳言原既流放忽然暫歸鄉人喜悅因
名曰歸鄉抑其山秀水清故出雋異地嶽流疾故其
性亦隘詩云惟岳降神生甫及申信與余謂袁崧此
言可謂因事而立證恐非名縣之本旨矣縣城南面
重嶺北背大江東帶鄉口谿谿源出縣東南數百里
西北入縣逕狗峽西峽崖龕中石隱起有狗形形狀
具足故以狗名峽鄉口谿又西北逕縣下入江謂之
鄉口也

江水又東逕信陵縣南

臨大江東瀉谿谿源北發梁州上庸縣界南流逕

縣下而注於大江也

江水又東過夸陵縣南

江水自建平至東界峽盛宏之謂空冷峽峽甚高峻
即宜都建平二郡界也其間遠望交嶺表有五六峰
參差互出上有奇石如二人象攘袂相對俗傳兩郡
督郵爭界於此宜都督郵厥勢小東傾議者以為不
如也

江水歷峽東逕宜昌縣之埤窰下

江之左岸絕岸壁立數百丈飛鳴所不能棲有一火
爐埤在崖間當作火爐望見可長數尺父老傳言昔
洪水之時人薄舟崖側以餘燼埤之巖側至今猶存

宜昌縣今湖北
荆州府宜都縣
地埤窰今名埤窰
在歸州東三十
里

夸陵縣今宜昌
府東湖縣地
空冷峽在歸州
東三十里

夷道縣今荊州府宜都縣地
狼山縣今宜昌府長陽縣地
很音恒

故先後相承謂之埵竈也洽聞記云空冷峽絕壁上有一火燼長數尺名曰插竈相傳堯時洪水行者泊舟崖側炊爨以餘燼插之鄭常蓋亦據此注耳

江水又東流頭灘其水竝浚激奔暴魚鼈所不能游行者常苦之其歌曰灘頭白勃堅相持倏忽淪沒別無期袁崧曰自蜀至此五千餘里下水五日上水百日也

江水又東逕宜昌縣北

分夸道狼一作很山所立也縣治江之南岸北枕大江與夸陵對界宜都記曰渡流頭灘十里便得宜昌縣也

江水又東逕狼尾灘而歷人灘

狼尾灘在宜昌府三峽中

袁崧曰二灘相去二里人灘水至峻峭南岸有青石夏沒冬出其石欽崟數十步中悉作人面形或大或小其分明者鬚髮皆具因名曰人灘也

江水又東逕黃牛山

黃牛山在宜昌府西九十里

下有灘名曰黃牛灘南岸重嶺疊起最外高崖間有石當作如人負刀牽牛人黑牛黃成就分明既人跡所絕莫得究焉此巖既高加江湍紆迴雖途逕信宿猶望見此物故行者謠曰朝發黃牛暮宿黃牛言水路行淡迴望如一矣御覽引此云言水路紆淡迴望如一矣

江水又東逕西陵峽

西陵峽在宜昌府西北三十五里

宜都記曰自黃牛灘東入西陵界至峽口一百許里

山水紆曲而兩岸高山重嶂非日中夜半不見日月
絕壁或千許丈其石彩色形容多所象類林木高茂
略盡冬春猿鳴至清山谷傳響泠泠不絕所謂三峽
此其一也崧言常聞峽中水疾書記及口傳悉以臨
懼相戒曾無稱有山水之美也及余來踐躋此意既
至欣然始信之耳聞不如親見矣其疊嶂秀峰奇構
異形固難以詞敘林木蕭森離離蔚蔚乃在霞氣之
表仰矚俛映彌習彌佳吳瑄本無佳字流連信宿不覺忘返
目所履歷未嘗有也既自欣得此奇觀山水有靈亦
常警知已於千古矣

江水歷禹斷江

南峽北有北谷邨兩山間有水清深潭而不流又耆
舊傳言昔是大江及禹治水此江小不足瀉水禹夏
開今峽口水勢并衝此江遂絕於今謂之斷江也

江水出峽東南流逕故城州

州附北岸洲頭曰郭洲長二里廣一里上有步闡故
城方員稱洲周迴略滿故城洲上城周里疑缺吳西
陵督步騭所築也孫皓鳳皇元年騭息闡復為西陵
督據此城降晉遣太傅羊祜接援未至為陸抗所陷
也

江水又東逕故城北宋本作陸抗故城北

所謂陸抗城也城即山為墉四面大險江南岸有山

陸抗城在宜昌
府西五里赤溪
其址尚存

孤秀從江中仰望壁立峻絕袁崧為郡嘗登之矚望
焉故其記云今自山南上至其嶺嶺容十許人四面
望諸山略盡其勢俛臨大江如縈帶焉視舟如鳧鴈
矣北對夸陵縣之故城城南臨大江秦令白起伐楚
三戰而燒夸陵者也應劭曰夸山在西北蓋因山以
名縣也王莽改曰居利吳黃武元年更名西陵也後
復夸陵縣北三十里有石穴名白馬穿舊本作名嘗
曰馬穿有白馬出穴食人逐之入穴潛行出漢中漢中人失
馬亦嘗出此穴相去數千里袁崧言江北多連山登
之望江南諸山數十百重莫識其名高者千仞多奇
形異勢自非煙塞雨霽不辨見此遠山矣余嘗往返

十許過正可再見遠峰耳

江水又東逕白鹿巖

沿江有峻壁百餘丈援所不能遊有一白鹿陵隋登
崖乘巖而上故世名此巖為白鹿云

江水又東歷荆門虎牙之門

荆門在南上合下開閭徹山南有門象虎牙在此石
壁色紅間有白文類牙形竝以物象受名此三山楚
之西塞也水勢急峻故郭景純江賦曰虎牙桀豎以
屹萃荆門鬪竦而盤薄圖淵九迴以縣騰溢流雷响
而電激者也江賦鬪作鬪圖
作圓溢作溢漢建武十一年公孫述
遣其大司徒任滿翼江王田戎將兵萬人當有
人字據嶮為

荆門山與虎牙
山相對在荆州
府宜都縣西北
五十里

浮橋橫江以絕水路營壘跨山以塞陸道光武遣吳漢岑彭將六萬人擊荆門漢等率舟師攻之直衝浮橋因風縱火遂斬滿等矣

又東南過夸道縣北夸水從狼山縣南東北注之漢地理志

武陵郡有狼山孟康曰音恒

夸道縣漢武帝伐西夸路由此出故曰夸道矣王莽

夏名江湖宋本作江南桓溫父名彝改曰西道魏武臨江

分南郡置臨江郡劉備曰宜都郡治在縣東四百步

故城吳丞相陸遜所築也為二江之會也北有湖里

淵淵上橋袖蔽野桑麻閭日西望狼山諸嶺重峰疊

秀青翠相臨時有丹霞白雲遊曳其上城東北有望

枝江縣今荊州府屬縣

上明城在荊州府松滋縣界

古羅今枝江縣地

堂地特峻下臨青江遊矚之名處也縣北有女觀山厥處高顯回眺極目古老傳言昔有思婦夫官於蜀屢愆歸期舊本作愁期當是秋期之譌登此山絕望憂感而死山木枯悴鞠為童枯鄉人哀之因名此山為女觀焉葬之山頂今孤墳尚存矣又東過枝江縣南沮水從北來注之

江水又東逕上明城北

晉太元年中苻堅之寇荊州也刺史桓沖徙渡江南使劉波築之移州治城也其地夸敞北據大江江汜當作江沱枝分東入大江縣治州上故以枝江為稱地理志曰江沱出西南東入江是也其民古羅徙羅故居

津鄉杜注楚地
江陵縣有津鄉
今在枝江縣界

九十九洲在枝
江縣東北

宜城西山楚文王又徙之於長沙今羅縣是矣縣西
三里有津鄉津鄉里名也春秋莊公十九年巴人伐
楚楚子禦之大敗於津鄉應劭曰南郡江陵有津鄉
今則無聞矣郭仲產云尋楚禦巴人枝江是其塗便
此津鄉縣即其地也津鄉縣舊本作津鄉宏字實
吳瑄改作縣亦無所據或是
似字之譌盛宏之曰縣舊治沮中後移出百里洲西去郡
一百六十里縣左右有數十洲槃布江中其百里洲
最為大也中桑田甘果映江依洲自縣西至上明東
及江津其中有九十九洲楚諺云洲下石當作洲故
不出王者桓彖有問鼎之志乃漕一洲以克百數僭
號數旬宗滅身屠及其傾敗洲亦消毀今上在西忽

有一洲自生沙流迴薄成不淹時其後未幾龍飛江
漢矣此今上是盛宏之荆州記中語謂宋文帝也隋
志云盛宏之是臨川王侍郎撰荆州記三卷
縣東二里有縣人劉凝之故宅凝之字志安兄盛公
高尚不仕凝之慕老萊嚴子陵之為人立屋江湖非
力不食妻梁州刺史郭詮女亦能安貧宋元嘉中夫
妻隱於衡山終焉不返矣縣東北十里土臺北岸有
迪洲長十里義熙初武烈王斬桓謙處武烈王當是
武陵王按宋
書高祖討桓彖敗走江陵乃奉武陵王遵為大將
軍承制大放天下彖走至枚回洲斬首傳京師義熙
元年正月劉毅等至江縣東南二十里富城洲上有
道士范儕精廬自言已東人少遊荆土而多盤桓縣
界惡衣簞食蕭散自得言來事多驗而詞不可詳人

心欲見欬然而對貌言尋求終弗遇也雖逕跨諸洲而舟人未嘗見其濟涉也後東遊廣陵卒於彼土儕本洲疑作洲無定止處宿憩一小巷一作菴而已弟子慕之於其昔遊共立精舍以存其人縣有陳留王子香廟頌子香於漢和帝之時出為荊州刺史有惠政天子徵之道卒枝江亭中常有三白虎出入人間送喪踰境百姓追美甘棠以永元十八年立廟設祠刻石銘德號曰枝江白虎王君其子孫世今猶謂之為白虎王

江水又東會沮口

楚昭所謂江漢沮漳楚之望也

江陵縣今荊州府附郭首縣

又南過江陵縣南

縣江有洲號曰枝回洲

沈約宋書作枝回洲斬桓彖處

江水自此兩

分而為南北江也北江有故鄉洲元興之末桓元西

奔毛祐之與參軍費恬射彖於此洲彖子昇年六歲

輒拔去之王昭之云彖之初奔也經日不得食左右

進麤粥咽不下昇抱彖胸撫之彖悲不自勝至此益

州都護馮遷斬彖於此洲斬昇於江陵矣下有龍洲

洲東有寵洲二洲

當作

之間世擅多魚矣鮫者投罟

歷網

荊州記作投罟揮網

往往繼絕

宋本作往

有潛客泳而視

之見水下有兩石牛嘗為罾害矣故鮫者莫不擊浪

浮舟鼓棹而去矣其下謂之郍里洲洲有高沙湖湖

東北有小水通江名曰曾口

江水又東逕鸞尾洲

北合靈谿水水無泉源上承散水合成大谿南流注

江江谿之會有靈谿戍背阿面江西帶靈谿故戍得

其名矣

江水東得馬牧口

江水斷洲通會

江水又東逕江陵縣故城南

禹貢荆及衡陽惟荊州蓋即荆山之稱而制州名矣

故楚也子革曰我先君僻處荆山以供王事遂遷紀

郢今城楚船官地也春秋之渚宮矣秦昭襄王二十

紀南城即江陵縣故城在今縣北一十里

湖北荊州府西界歸州首縣江陵又縣公安在府東南七十里又縣枝江在府北百八十里又縣宜都在府東

九年使白起拔鄢郢以漢南地而置南郡焉周書曰

南國名也南氏有二臣力鈞勢敵竟進爭權君弗能

制南氏用分為二南國也出周書史記解按韓嬰敘詩云其

地在南郡南陽之間呂氏春秋所謂禹自嶽山巡省

南土者也是郡取名焉後漢景帝以為臨江王滎國

王坐侵廟垣地為宮被徵升車出北門而軸折父老

竊流涕曰吾王不還矣自後北門不開蓋由滎非理

終也漢景帝二年改為江陵縣王莽更名南順縣曰

江陵舊城關羽所築羽北圍曹仁呂蒙襲而據之羽

曰此城吾所築不可攻也乃引而退杜元凱之攻江

陵也城上人以瓠繫狗頸示之元凱病瘵故也及城

南九十里又縣石首在府東南百八十里又縣監利在府東二百十里又縣松滋在府西南百二十里府北界連直隸州荆門州

陷殺城中老小血流沾足論者以此薄之江陵城地東南傾故緣以金隄自靈谿始桓溫令陳遵造遵善於防攻當作方功謂以方計取功也使人打鼓遠聽之知地勢高下依勢創築略無差矣城西有栖霞樓俯臨通隍吐納江流城南有馬牧城西側馬逕此洲始自枚迴下迄於此長七十餘里洲上有奉城故江津長所治舊主度州郡貢於洛陽因謂之奉城亦曰江津成也成南對馬頭岸昔陸抗屯此與羊祜相對大宏信義談者以為華元子反復見於今矣北對大岸謂之江津口故洲亦取名焉江水自此始也疑江水舊火乃作江火吳本改為家語曰江水至江津非方舟避風不可涉水未安

也故郭景純云濟江津以起漲言其深廣也

江水又東逕郢城南

子囊遺言所築城也地理志曰楚別邑故郢矣王莽以為郢亭城中有趙臺卿冢岐平生自所營也冢圖賓主之容用存情好敘其宿尚矣

江水又東得豫章口

夏水所通也西北有豫章岡蓋因岡而得名矣或言因楚王豫章臺名所未詳也

郢城在荊州府城東北三里

華容縣今湖北
荊州府石首縣
監利縣湖南岳
州府華容縣地

水經卷三十五

漢桑欽撰

後魏酈道元注

新安張匡學三悅氏釋

江水三

又東至華容縣西夏水出焉

江水左也為中夏水右則中郎浦出焉江浦右也南
派曲而極水曲之地勢世謂之江曲者也

又東南當華容縣南涌水出焉

江水又東涌水注之

水自夏水南通於江謂之涌口春秋所謂閭敖游涌
而逸於二水之間者也

江水又逕南平郡孱陵縣之樂鄉城北

水經卷三十四

新南張
匡學
三悅
氏釋

孱陵縣今荊州
府公安縣地樂
鄉城在府屬松
滋縣東七十里

吳陸抗所築後王濬攻之獲吳水軍督陸景於此渚也

又東南油水從西南來注之又東右合油口又東逕公安縣北

劉備之奔江陵使築而鎮之曹公聞孫權以荊州借備臨書落筆杜預克定江南罷華容置之謂之江安縣南郡治矣以華容之南鄉為南郡晉太康元年改曰南平也縣有油水水東有景口口即武陵郡界景口東有淪口淪水南與景水合又南通澧水及諸陂湖北是淵當作淪也相接悉是南蠻府屯也故側江有大城相承云倉諸城即邸閣也

江安縣南平郡
治所今公安縣
地

江水左會高口

江浦也對黃州

江水又東得故市口

水與高水通也

江水又右逕楊岐北山

山抗宋本枕大江山東有城故華容縣尉舊治也

大江又東左合子夏口

江水左迤北出通於夏水故曰子夏也當作夏口也

大江又東左得侯臺水口

江浦也

大江右得龍穴水口

龍穴水口在荊州府石首縣界

大江浦右也也北對虎洲又洲北有龍巢地名也昔禹南濟江黃龍夾舟舟人五色無主禹笑曰吾受命於天竭力養民生死命也何憂龍哉於是二龍弭鱗掉尾而去焉故水地取名矣

江水自龍巢而東俞口

夏水汎盛則有冬無之江水北岸上有小城故監縣尉治也

又東得清揚土隴二口

江浦也

大江右逕石首山北又東逕赭要

赭要洲名在大江中次北湖洲下

石首山在石首縣北江中

江水左得飯筐上口

秋夏水通下口間相距三十餘里赭要下即揚子洲

在大江中二洲之間常苦蛟害者宋本荆飲飛濟此

遇兩蛟斬之自後罕有所患矣江之右岸則溝宋本清

水口口上即錢官也水自牛皮山東北通江北對清

水洲洲下接生江洲南即生江口水南通澧浦江水

右會飯筐上口江浦所入也

江水又右得上檀浦

江澁也

江水又東逕竹畦南宋本

江中有觀詳澁澁東有大洲洲東分為爵洲洲南對

揚子洲在岳州府華容縣境

水逕竹畦南

長沙郡下雋縣
湖南岳州府首
縣巴陵縣湖北
武昌府通城縣
崇陽縣地二府
接壤

戒陵山在岳州
府城西北一十
五里

巴邱縣今岳州
府附郭首邑巴
陵縣地

鴨欄磯在岳州
府臨湘縣東一
十五里

烏林在武昌府
浦圻縣北岸

湘江口也

又東至長沙下雋縣北澧水沅水資水合東流注之

凡此諸水皆注於洞庭之陂是乃湘水非江川也

湘水從南來注之

江水右會湘水所謂江水會者也

江水又東左得二夏浦

夏浦俗謂之西江口又東逕忌置山南山東即隱口

浦矣江之右岸有戒陵山山有故城東接微落山亦

曰暉落磯江之南畔名黃金瀨瀨東有黃金浦良父

口夏浦也

又東逕彭城口

水東有彭城磯故水受其名即玉澗未本水出巴邱

縣東玉山玉谿北流注於江

江水自彭城磯東逕如山北

北對隱磯二磯之間大江之中有獨石孤立大江中

山東江浦世謂之白馬口

江水又左逕白羸山南

右歷鴨蘭磯北江中也東得鴨蘭治浦二口夏浦也

江水左逕止當作烏林南

村居地名也又東逕烏黎口江浦也即中烏林矣又

東逕烏林南吳黃蓋敗魏武於烏林即是處也

江水又東左得子練口

長沙縣今湖南
長沙府附郭首
縣漢改曰臨湘
隋復曰長沙故
注曰舊縣

魚嶽山在武昌
府嘉魚縣治西
今山在平地去
水已遠

北通練浦又東合練口江浦也南直練洲練名所以
生也江之右岸得蒲磯口即陸口也水出下雋縣西
三山谿其水東逕陸城北又東逕下雋縣南故長沙
舊縣王莽之閭蕩也宋元嘉十六年割隸巴陵郡陸
水又屈而西北流又逕其縣北北對金城吳將陸渙
所屯也陸水又入蒲圻縣北逕呂蒙城西昔孫權征
長沙零桂所鎮也陸水又逕蒲磯山北入大江謂之
刁環口又東逕蒲磯山北對蒲圻洲亦曰擊洲又曰
南洲洲頭即蒲圻縣治也晉太康元年置洲上有白
面洲洲南又有淥口水出豫章艾縣東入蒲圻縣至
沙陽西北魚岳山入江山在大江中楊子洲南孤峙

中洲

江水左得中陽水口又東得白沙口

一名沙屯即麻屯口也本名蔑默口江浦矣南直蒲

圻洲水北入百餘里吳所屯也又逕魚岳山北下得

金梁洲洲東北對淵洲宋本洲一名淵步洲江濱從洲

頭以上悉壁立無岸宋本至白沙方有浦上

甚難江中有沙陽洲沙陽縣治也縣本江夏之沙羨

矣晉太康中改曰沙陽縣宋元嘉十六年割隸巴陵

郡江之右岸有雍口亦謂之流口東北流之長洋港

東北流逕石子岡岡上有故城即州陵縣之故城也

莊辛所言左州侯國矣又東逕州陵新治南王莽之

沙陽縣今嘉魚
縣地
沙羨縣今武昌
府附郭首縣江
夏縣屬縣嘉魚
縣蒲圻縣地

龍穴洲在嘉魚縣沙陽洲之下

江夏也港水東南流注於江謂之洋口南對龍穴洲沙陽洲之下尾也洲裏有駕部口宋景平二年迎文帝於江陵法駕頓此因以為名文帝車駕發江陵至此黑龍躍出負帝所乘舟左右失色上謂長史王曇首曰乃夏禹所以受天命矣我何德以堪之故有龍穴之名焉

江水東右得聶口

江浦也左對聶洲

江水左逕百人山南

右逕赤壁山北昔周瑜與黃蓋詐魏武大軍所起也

江水東逕大軍山南

百人山在湖北漢陽府城西南七十五里赤壁山在武昌府城東南九十里

大軍山在漢陽府城西南六十里節度石在武昌府武昌縣大江中汝南僑郡故城在武昌府城西

山東有山屯夏浦江水左也江中有石浮出謂之節度石右則塗水注之出江州武昌郡武昌縣泰山西北流逕汝南僑郡故城南咸和中寇難南逼戶口南渡因置斯郡治於塗口塗水歷縣西又西北流注於江

江水又東逕小軍山南

臨側江津東有小軍浦

江水又東逕雞翔山北

山東即土城浦也

又東北至江夏沙羨縣西北沔水從北來注之

沌水上承陽縣之白湖東南流為沌水逕陽縣南注

小軍山在漢陽府城南四十里雞翔山在武昌府城南八十里

沌口在漢陽府城西南

鸚武洲在武昌府城南

魯山一名翼際山即大別山在漢陽府城東北

劉琦墓在魯山下

沔口在漢陽府城西南却月城在府城北六里

黃鵠山在武昌府城西南一名黃鶴山昔仙人騎黃鶴過此因名

夏口在武昌府江夏縣荆江中夏口城在府城

於江謂之沌口有陽都尉治晉永嘉六年王敦以陶侃為荊州鎮此明年徙林鄣江水又東逕歎父山南對歎州

亦曰炭步矣江之右岸當鸚鵡洲南有江水右也謂之驛渚三月以末水下通樊口水

江水又東逕魯山南

右翼際山也地說曰漢與江合於衡北翼際山旁者也山上有吳江夏太守陸渙所治城蓋取二水之名地理志曰夏水過郡入江夏也舊治安陸漢高帝六年置吳乃徙此城中有晉征南將軍荊州刺史胡奮碑又有平南將軍王世將刻石記征杜曾事有劉琦

墓及廟也山左即沔水口矣沔左有却月城然亦曰偃月壘戴監軍築故曲陵縣也後乃沙羨縣治也昔魏將黃祖所守遣董襲陸統攻而禽之禰衡亦遇害於此衡恃才倜儻肆狂狷於無妄之世保身不足遇非其死可謂咎悔之淡矣江之右岸有船官浦歷黃鵠磯西而南矣直鸚鵡洲之下尾江水澆曰當作狀浦是曰黃軍浦昔吳將黃蓋軍師所屯故浦得其名亦商舟之所會矣船官浦東即黃鵠山林澗甚美譙郡戴仲若野服居之山下謂之黃鵠岸岸下有灣目之為鵠灣鵠山東北對夏口城魏黃初二年孫權所築也依山旁江開勢明遠馮墉藉阻高觀枕流上則

西

安陸縣漢舊縣地今湖北德安府首縣
潯陽縣故城在漢陽府城北口十一里

遊因一作流川下則激浪崎嶇實舟人之所艱也對岸則入沔津故城以夏口為名亦沙羨縣治也

江水左得湖口水通大湖又東合澗口水上承沔水於安陸縣而東逕潯陽縣北東南注於江江水又東湖水自北南注謂之嘉吳江右岸頻得二夏浦北對東城洲西浦側有雍伏戍江之左岸東會龍驤水口出北山中江之有宋本武口水上通安陸之延頭

宋元嘉二年衛將軍荊州刺史謝晦阻兵上流為征北檀道濟所敗走奔於此為戍主光順之所執處也南至武城俱入大江南直武洲洲南對楊桂水口江水南出也通金女大文桃班三治吳舊地宋本所在

荊州界盡此

江水東逕若城南

庾仲雍江記曰若城至武城口三十里者也南對郭口夏浦而不常汎矣東得苦菜夏浦浦東有苦菜夏江逕其北故浦有苦菜之名焉山下有菜苦可食江水左得廣武口江浦也江之右岸有李姥浦浦中偏無蚊蚋之患矣北對崢嶸洲冠軍將軍劉毅破桓爭於此洲爭乃挾天子西走江陵矣

又東過邾縣南

江水東逕白虎巖北山臨側江濱又東會赤谿夏浦二口江水右也又東逕具巖宋本作此庾仲雍謂

崢嶸洲一曰新洲在武昌府武昌縣界半屬黃州府黃岡縣邾縣故城在湖北黃州府城西北今名舊州城距府一百二十里

之沛岸矣江右岸有秋口江浦也又東得烏石水出
烏石山南流注於江

江水古得黎巖北

亦曰黎岸也山東有夏浦又東逕上磧北山名也仲
雍謂之大小竹磧也北岸烽火洲即舉洲也北對舉
口仲雍作莒字得其音而忘其事非也舉水出龜頭
山西北流逕龍戍南梁定州治蠻田超秀為刺史舉
水又西流左合垂山之水水北出垂山之陽與戈陽
戈疑作弋漢志汝南郡有弋陽縣淠水同發一山故是水合之水之
東有南口戍又南逕方山戍西西流注於舉水又西
南逕梁司豫二州東蠻田魯生為刺史治湖陂城亦

龜頭山在黃州府麻城縣東南八十里舉水所出省志即栢舉地

栢舉杜注楚地名勝志云麻城

縣東北三十里有栢子山縣東南有舉水名蓋合栢山舉水而得之其說不知何據按傳曰子常濟漢自小別至於大別又三戰而陳於栢舉是在漢之東北矣其地應在今黃州府麻城縣境也

西陽郡今黃州府地

謂之水城也舉水又西南逕顏城南又西南逕齊安
郡西倒水注之出黃武山南流逕白沙戍西又東南
逕梁達城戍西東南合舉水舉水又南東歷赤亭下
又謂之赤亭水又分為二水南流注於江謂之舉洲
南對舉洲春秋左傳定公四年吳楚陣於栢舉京相
璠曰漢東地矣夏有汜水或作舉疑即此也左水東
南流入於江澣曰文方口江之右岸有鳳鳴口江浦
也浦側有鳳鳴戍

江水又東逕邾縣故城南

楚宣王滅邾徙居於此故曰邾也漢高帝三年項羽
封吳芮為衡山王都此晉咸和中庾翼為西陽太守

鄂縣今武昌府
武昌縣地

樊山舊名袁山
在武昌縣西四
里一名樊岡下
有樊口

分江夏立四年豫州刺史毛寶西陽太守樊俊共鎮
之為石虎將張格度所陷自爾邱墟焉城南對蘆洲
舊吳時客舍於洲上方僂謂所止焉亦謂之羅州矣
鄂縣北江水右得樊口

庾仲雍江水記云谷里袁口江津南入歷樊山上下
三百里通新興馬頭二治樊口之北有灣昔孫權喪
大船名之曰長安亦曰大船載坐直之士三千人與
羣臣汎舟江津屬值風起權欲西取蘆州谷利不從
乃拔刀急止令取樊口薄船舶至岸而敗故名其處
為敗舶灣因鑿樊山為路以上人即名其處為吳造
峴在樊口上一里今厥處尚存

江水又左逕赤鼻山南

山臨側江川

又東逕西陽郡南郡治即西陽縣也

晉書地道記以為弦子國也

江之右岸有鄂縣故城

舊樊楚也世本稱熊渠封其中子之名某者為鄂王
晉太康地記以為東鄂矣九州記曰鄂今武昌也孫
權以魏黃初元年中自公安徙此改曰武昌縣鄂縣
徙治於袁山東又以其年立為江夏郡分建業之民
千家以益之至黃龍元年權遷都建業以陸遜輔太
子鎮武昌孫皓亦都之皓還東令滕牧守之晉惠帝

赤鼻山人呼赤
鼻山在黃州府
西北漢川門外
西陽縣今黃州
府麻城縣地

鄂縣故城在武
昌府古岸迺舊
樊楚

釣臺在武昌縣北門外

永平中始置江州傳綜為刺史治此城後太尉庾亮之所鎮也今武昌郡治城南有袁山即樊山也武昌記曰樊口南有大姥廟孫權嘗獵於山下依夕見一姥問權獵何所得曰正得一豹母曰何不豎豹尾忽然不見應劭漢官序曰豹尾過後執金吾罷屯解圍天子鹵簿中後屬車施豹尾於道路豹尾之內為省中蓋權事應在此故為立廟也又孫皓亦嘗登之使將害常侍王蕃而其首虎以爭之江表傳曰孫皓於殿上斬王蕃出登來山使親近將蕃首作虎跳狼爭咋齧之北背大江江上有釣臺權常極飲其上曰隋臺醉乃已張昭盡言處城西有郊壇權告天位於此顧謂公卿曰魯子敬嘗言此可謂明於

巴河源發黃州府蘄水縣板石山流經府城東大別山在漢陽府城東北漢江之右

事勢矣城東故城言漢將灌嬰所築也江中有節度石三段廣百步高五六丈是西陽武昌界分江於斯石也又得東五丈又得次浦江浦也東逕五巖北有五山公次江陰故得是名矣仲雍謂之五圻江水左則巴水注之

水出零婁縣之下靈山即大別山也與淩水同出一山故世謂之分水山亦或曰巴山南歷蠻中吳時舊立屯於水側引巴水以溉野又南逕巴水成南流注於江謂之巴口

又東逕軼縣故城南漢地理志江夏郡有軼縣孟康音汰又音徒系反舊本作較宋本作

設

映縣故城在蕪
水縣界北接河
南直隸州光州
界

潛縣故城在安
徽廬州府廬江
縣南
霍山一名天柱
山在安徽直隸
州六安州霍山
縣北
霍州故城在六
安州境

故弦國也春秋僖公五年秋楚滅弦弦子奔黃者也
漢惠帝元年封長沙相利倉為侯國城在山之陽南
對五洲也江中有五洲相接故以五洲為名宋孝武
帝舉兵江州建牙洲上有紫雲蔭之即是水也
東會希水口出灊縣霍山西麓山北有灊縣故城
地理志曰縣南有天柱山即霍山也有祠南岳廟音
潛譚元春云音潛二字應
在灊字下恐非正文齊立霍州治此西南流分
為二水枝津出焉希水又南積而為湖謂之希湖湖
水又南流逕軹縣東而南流注於江是曰希口水者
也然水流急濬零雨暴疾漂濫無常行者難之
大江石岸有厭里口安樂浦

從此至武昌尚方作部諸屯相接枕帶長江又東得
桑步步下有章浦本南陽郡治今悉荒蕪

江水左得赤水浦
夏浦也

江水又東逕南陽山南
又曰苟巖宋本作
苟巖亦曰南陽巖仲雍謂之南陽圻一
名洛至圻一名石姥水勢迅急

江水又東逕西陵縣故城南
史記秦昭王遣白起伐楚取西陵者也漢章帝建初
二年封陰堂為侯國

江水東歷孟家澆一作
澆江之右岸有黃石山水逕其北

西陵縣今漢陽
府黃陂縣德安
府雲夢縣黃州
府黃岡縣諸縣
地

西陵縣故城在雲夢縣境

即黃石磯也一名石茨圻有西陵縣也縣北則三洲也山連逕江則東山偏高謂之西塞東對黃公九磯所謂九圻者也於行小難兩山之間為關塞也從此濟於土復土復者北岸地名也

又東過蘄春縣南蘄水從北東注之

江水右得常口宋本作韋口江浦也浦東有鞏山江水東

逕山北北崖有東湖口江波左迤流結成湖故謂之

湖口矣江水又東得空石口江浦在右臨江有空石

山南對石穴洲洲上有蘄陽縣治也又東蘄水注之

江水又東逕蘄春縣故城南世祖建武三十年封陳

俊子浮為侯國也江水又東得銅零口江浦也大江

蘄春縣今黃州府蘄水縣羅田縣蘄州廣濟縣黃梅縣地蘄陽縣今蘄州

尋陽郡今江西九江府地

右逕蝦蟆山北而東會海口水南通大湖北達於江水左右翼山江水逕其北東合臧口江浦矣江水又左逕長風山南得長風口江浦也江水又東逕積布山南俗謂之積布磯又曰積布圻庾仲雍所謂高山也此即西陽一作南陽尋陽二郡界也右岸有土復曰江浦也夾浦有江山山東口有護江浦也庾仲雍謂之朝二浦也

又東過下雉縣北刊水從東陵西南注之

江水東逕琵琶山南山下有琵琶灣也又東逕望夫

山南又東得苦菜水水口夏浦也江之右岸富水注

之水出陽新縣之青湓山西北流逕陽縣故豫章之

青湓山在九江府瑞昌縣西湓水源出於此

屬矣一作屬縣地多女鳥元中記曰新陽男子於水次得之遂與其居生二女悉衣羽而去豫章間養兒不露其衣言是鳥落塵於兒衣中則令兒病故亦謂之飛夜遊女矣又西北逕下雒縣王莽更名之潤兗當作光矣後併新陽水之左右公私裂漑咸沃壤舊吳屯所在也江水口右東得蘭谿水口竝江浦也

又東左得青林口

即水出廬江郡之東陵鄉江夏有西陵縣故是言東矣尚書云江水過九江至於東陵者也西南流水積為湖湖西有青林山宋太始元年明帝遣沈攸之西伐子勣伐柵青山覩一童子甚麗問伐者曰取此何

青山在安徽安慶府桐城縣南一百里

大雷戍今安慶府望江縣地

為答欲討賊童子曰下旬當平何勞伐此在衆人之中忽不復見故謂之青林湖湖有鯽魚食之肥美辟寒暑湖水西流謂之青林水又西南歷尋陽分為二水一水東流通大雷一水西南流注於江經所謂刊水也右對馬頭岸自富口迄此五千當作十餘里岸阻江山

